



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Frederico Illvstri Regi Siciliæ.

**urn:nbn:de:hbz:466:1-20020**

animarum committat, ut ei de spiritualibus, vobis verò de temporalibus debeant respondere. Sepulturam quoque ipsius loci liberam esse decernimus, ut eorum devotioni & extremae voluntati qui se illic peliri deliberaverint, nisi forte excommunicati vel interdicti sint, nullus obstat. salva tamen iustitia illarum Ecclesiarum à quibus mortuorum corpora assumuntur. Obeunte verò te nunc ejusdem loci Abbatem vel tuorum quolibet successorum, nullus ibi qualibet subreptionis astutia seu violentia p̄ponatur nisi quem fratres communī consensu vel fratum pars major consilij senioris secundūm Deum & beati Benedicti regulam providerint eligendum. Paci quoque & tranquillitate vestra paterna in posterum sollicitudine providere volentes, auctoritate apostolica inhibemus ut infra clausuras locorum seu grangiarum vestiarum nullus rapinam seu furtum facere, ignem apponere, sanguinem fundere, hominem temerè capere vel interficere, seu violentiam audeat exercere. Libertates quoque & immunitates antiquas & rationabiles confuetudines monasterio vestro concessas & hactenus observatas, ratas habemus, & eas perpetuis temporibus illibatas permanere sancimus. Decernimus ergo ut nulli omnino hominum liceat prefatum monasterium temerè perturbare, aut ejus possessiones auferre, vel ablatas retinere, minuere, seu quibuslibet vexationibus fatigare; sed omnia integra conserventur eorum pro quorum gubernatione ac sustentatione concessa sunt usibus omnimodis profutura. salva sedis apostolicae auctoritate & dioecfani Episcopi canonica iustitia. Si qua igitur in futurum ecclesiastica secularis persona hanc nostrā constitutionis paginam sciens, contra eam temerè venire tentaverit, secundò tertiove commonitiona nisi reatum suum congrua satisfactione correrit, potestatis honorisque sui dignitate careat, reamque se divino iudicio existere de perpetrata iniuritate cognoscat, & à sacratissimo corpore ac sanguine Dei & Domini redemptoris nostri Iesu Christi aliena fiat, atque in extremo examine districte subjaceat ultiōni. Cunctis autem eidem loco sua jura servantibus sit pax Domini nostri Iesu Christi, quatinus & hic fructum bona actionis percipient, & apud districtum judicem præmia æternæ pacis inveniant. Amen. Datum Laterani per manum Iohannis sanctæ Mariæ in Confidin Diaconi Cardinalis S. R. E. Cancelarij Kalend. Iunij, Indictione IIII. incar-

nationis dominicae anno millesimo ducen-  
tesimo decimo, pontificatus verò Domini  
Innocentij Papæ III. anno tertiodecimo.

GNEZNENSI ARCHIEPISCOPO,  
& universi suffraganeis ejus.

**S**ignificavit nobis dilectus filius nobilis vir Dux Zlesia quod cùm [Boleslaus] quodam facta quondam Dux Polonia certam dederit finem, à Duce Poloniæ. *Vide Dlugoffans principalem civitatem Cracoviæ majori na- lib. 4. hisp. Pon- tu referens instituit ut semper qui esset de lenica pag. 405. Cr. lib. 6. pag. ipsius genere prior natu, civitatem teneret 136. eandem, ita quod si major decederet, vel cederet juri suo, qui post eum de toto gene- re major esset, ipsius civitatis possessionem intraret. Hoc autem perpetuis temporibus observari præcipiens, per sedem apostolica obtinuit approbari, omnes illos fa- ciens excommunicatione percelli qui statu- tum hujusmodi auctoritate apostolica ro- boratum præsumerent violare. Vnde nobis humiliter supplicavit ut nostris vobis dare- mus litteris in mandatis quod nec vos ipsi statutum violaretis hujusmodi, nec per- mitteretis ab aliis violari, illos qui contra- venire præsumerent anathematis sententia ferentes. Quocirca fraternitati vestra per apostolica scripta mandamus quatenus in- stitutionem de majoritatis præminentia, sicut ad utilitatem & pacem totius provin- cia dinoscitur esse facta, faciatis per cen- suram ecclesiasticam sublato appellationis obstatculo firmiter observari, contradicto- res censura simili compescentes. Datum Laterani v. Idus Iunij, pontificatus nostri no tertiodecimo.*

FREDERICO ILLVSTRI  
Regi Siciliae.

**C**um jam annos pueriles evaseris, de- Epif. 83.  
cet te, fili carissime, actus deserere Ut Cathan.  
pueriles, & quanto tibi & regno tuo ma- Episcopum re-  
jora pericula imminent, tanto studiosius cipias in gra-  
debes intendere ad illa fortiter evitanda. tiam.  
Consilia quoque discretorum & te diligentiū debes diligenter amplecti, & inter ingratos ac bene notos discernere te oportet, ne minus diligentes plus diligas, & qui te ferventius diligunt, illos remissioris cari- tatis brachiis amplexeris. Cùm enim ve- nerabilis frater noster Cathaniensis Epis- copus regni Sicilia Cancellarius te culto- dierit haecenus & nutritur, ac pro defen- sione tua & regni tui labores & angores, anxietates & necessitates multiplices susti- nuerit, nunc, si verum est quod afferitur, tot beneficiorum oblitus, à tua ipsum fa-

LII iij

miliaritate recedere permisisti in scandalum & odium pariter plurimorum. Propter quod alij regni nobiles, dum eundem multis meritis prædictum debita intellexerint remuneratione fraudatum, in tua fidelitate lentescent, & nonnulli se à tuis obsequiis subtrahent, qui ad ea ex ipsius poterant retributionibus provocari. Ex his enim quæ post ejus sunt sequuta recessum satis apparet utrum ejus præsentia tibi fuerit opportuna, & nisi quantocius revocetur, sequitura dispendia te plenius edocebunt. Vbi namque sunt illi qui tibi mendaciter fuggerebant quòd illo repulso multi converterentur ad te qui propter familiarem ejus præsentiam à tuis se obsequiis subtrahebant? Vnde nisi hæc & alia quæ de te non absque dolore frequenter audimus celeriter reformare studueris, temetipsum ad uberioris frugis exercitum erigendo, non solum tu gravia detimenta percipes, sed & nos, licet invitox, oportet super hoc aliud cogitare, ne ob tuam negligentiam vel defectum Romana, quod ab sit, Ecclesia graviter laderetur, quæ pro te non solum aliis, sed etiam Imperatori, se potenter opponit. Quocirca serenitatem tuam rogamus attentius & monemus, sub obtentu gratia nostræ firmiter injungentes quatinus Cancellarium memoratum ad familiaritatem tuam nullatenus differas revocare, omnimoda fibi, quem sub beati Petri & nostra protectione suscepimus, secutitate provisa, ejusque consilii devotus intendas; ut & ipse tot & tanta pro te sustinuisse se gaudeat, & alij ad similia provocentur; provisurus attentius ne quid à quolibet contra salutem & honorem ipsius valeat attentari: quia cùm nos ei districte præcipiendo mandemus ut ad tuæ familiaritatis obsequium revertatur, si quid contra eum fieret à quocunque, nobis reputaremus inferri. Datum Laterani vii. Kal. Iulij, pontificatus nostri anno tertio decimo.

CONSTANTIAE ILLVSTRI  
Reginae Siciliae.

*Epij. 84.  
De donatione  
ei facta prop-  
ter nuptias.*

**S**acrosancta Romana Ecclesia devoros & humiles filios ex affuetæ pietatis officio propensiùs diligere consuevit, & ne pravorum hominum molestiis agitantur, eos, tamquam pia mater, sua protectionis munimine confovere. Sanè cùm carissimus in Christo filius noster Fredericus Siciliae Rex illustris, sicut in ipsius authentico super hoc confecto plenius contineri perspeximus, in dodarum seu donationem

propter nuptias in Sicilia Carinum, quod in partibus Panormitanis existit, cum omnibus casalibus, tenimentis, & pertinentiis suis, in valle Demensi Caroniam, sanctum Filadellum, & sanctam Mariam cum omnibus casalibus, pertinentiis, & tenimentis eorum, necnon & omnia casalia in eadem valle Demensi consistentia quæ ad suum demanium pertinere noscuntur, insuper Oliverium & Montem Albanum cum omnibus casalibus & tenimentis eorum, in servitio verò sanctum Petrum de Ficara & castrum Ficaræ, Galatum, & Militellum, item Tauromenium cum omnibus tenimentis & pertinentiis suis tam demanij quam servitij, in partibus verò Apulia totum honorem comitatus Montis sancti Angeli, cum omni honore, jure, tenimentis & pertinentiis suis tam demanij quam servitij, videlicet quod in servitio, in demanum, & quod in servitio, in servitium, in servitio siquidem Montis sancti Angeli, Siponti & Velle civitates atque Casale novum, in servitio autem omnia castra, villas, terras, casalia, & totum aliud quod ad honorem ipsius Montis dinoscitur pertinere, liberaliter tibi duxerit concedenda, nos tuis precibus inclinata, ad supplicationem ejusdem Regis concessionem ipsam, sicut providè facta est, auctoritate apostolica confirmamus & præsentis scripti patrocinio communimur. Decernimus ergo ut nulli omnino hominum liceat hanc paginam nostræ confirmationis infringere vel ei austu temerario contrarie. Si quis autem hoc attentare præsumperit, indignationem omnipotentis Dei & beatorum Petri & Pauli Apostolorum ejus se noverit incursum. Datum Laterani xv. Kal. Iulij, pontificatus nostri anno tertio decimo.

TVRONENSI ET BVRDEGALENSI  
Archiepiscopis, & Episcopo Pidiavensi.

**E** Ius exemplo qui cùm iratus est, non obliviſcit misereri, nec suas continet miserations in ira, sed postquam infuderit vinum, superinfundit & oleum vulneribus fauciati, & post virgam correptionis adhibet manus dulcedinis, quæ cum tabulis legis divinæ in arca fœderis referantur, nos, qui dilectum filium Robertum de Sepulchro Presbyterum ex severitate percussimus, volentes ex benignitate sanare, cùm longo jam tempore impositam sibi peccatum in multa cordis & corporis humilitate portaverit, non sine magnis laboribus & angustiis, gravi pressus onere